



# ИОАНН АПОСТОЛДЫНГ БАШТАПКЫ САМАРАЗЫ

## 1

### *Христос – Јүрүмниң Сөзи*

<sup>1</sup>Слерге бажынан ала не болгонын, нени укканысты, бойыстын көзибисле нени көргөнисти, нени ајыктаганысты, колдорыс неге тийгенин – Јүрүмниң Сөзи керегинде бичип турубыс. <sup>2</sup>Јүрүм ачыларда, бу мөңкү Јүрүмди көргөнис, Оны слерге керелеп ле жарлап турубыс. Ол Адада болгон, биске ачылган. <sup>3</sup>Нени көргөнисти ле укканысты слерге де жарлап турубыс, слер де бисле бирлик болзын деп. Бис Адабысла, Онын Уулы Иисус Христосло бирлик. <sup>4</sup>Сүүнчибис\* толо болзын деп, мыны слерге бичип турганыс бу.

### *Жарыкта базып жүрүгөр*

<sup>5</sup>Је бат, Онон угала, эмди слерге жарлап турган Јар: Кудай – ол жарык, Онын Бойында кандый да карачкы јок. <sup>6</sup>Оныла бис бирлик деп айдып, је карачкыда базып жүрген болзобыс, төгүнденип, чыныла кылынбай јадыбыс. <sup>7</sup>Ол жарыкта жүргени чилеп, жарыкта базып жүрген болзобыс, бойы бойыбысла бирлик болгоныс ол. Анайып Онын Уулы Иисустын каны бисти не ле кинчектен арутайт.

---

\* Кезик јебрен түрбектерде: «Сүүнчигер».

<sup>8</sup> Бисте кинчек жок дежип турган болзобус, бойыбысты бойыс аскыртып жадыбыс, бистин бойыбыста чын жок. <sup>9</sup> Кинчектеристи айдынып турган болзобус, Ол, чындык ла акту Бойы, кинчектеристи таштап, бисти не ле төгүннен арутаар. <sup>10</sup> Кинчек этпедис дежип турган болзобус, Оны төгүнчи эдип жадыбыс, Онын сөзи бистин бойыбыста жок.

## 2

### *Жаңы жакылта – сүүш*

<sup>1</sup> Балдарым! Слерди кинчек этпезин деп, мыны слерге бичип турганым бу. Же кем кинчек эткен болзо, бисте Акту Иисус Христос бар. Ол Ада алдында бис учун сурап жат. <sup>2</sup> Ол Бойы – бистин кинчектерис учун, жаңыс та бистийи учун эмес, бастыра телекейдинг де кинчектери учун жараштыраачы.

<sup>3</sup> Оны билип алганысты Онын жакылталарын чеберлеп жүргенистен көрөдис. <sup>4</sup> «Оны билип алгам» деп айдып, жакылталарын чеберлебей турган кижиге төгүнчи, онын бойында чын жок. <sup>5</sup> Онын сөзүн чеберлеп турган кижининг бойында чыннан Кудайдын сүүжи бүдүп калган. Бис Оныла бирлик деп, мынан биледис. <sup>6</sup> Онын Бойында жүрүп жадым дегени, Ол чылап эдер учурлу.

<sup>7</sup> Кару улузым! Слерге жаңы эмес жебрен жакылтаны бичип турум. Ол слерге бажынан ала берилген. Бу жебрен жакылта – слер уккан сөс. <sup>8</sup> Же ол ло өйдө Онын Бойында ла слердинг бойыгарда чыны не болгоны керегинде слерге жаңы жакылта бичип турум, ненин учун десе карачкы өдүп жат, чын жарык качан ок жарыдып жат.

<sup>9</sup> Бойын жарыкта деп айдып, карындажын жаман көргөни, эмдиге жетире карачкыда. <sup>10</sup> Карындажын сүүп турганы, жарыкта жүрет, онын бойында бүдүрилер буудак жок. <sup>11</sup> Карындажын жаман көргөни – карачкыда, ол карачкыда базып жүрет, кайдаар барып жатканын билбейт, ненин учун десе карачкы онын көзүн сокорткон.

<sup>12</sup> Слерге бичип турум, балдар, ненин учун десе Ого болуп кинчектеригер ташталган. <sup>13</sup> Слерге бичип турум, адалар, ненин учун десе бажынан ала Жүрөөчини билип алдыгар. Слерге бичип турум, жииттер, ненин учун десе слер жаманды жеңдигер. <sup>14</sup> Слерге бичидим, балдар, ненин учун десе слер Аданы билип алдыгар.

Слерге бичидим, адалар, ненин учун десе слер бажынан ала Јү-реечини билип алдыгар. Слерге бичидим, јииттер, ненин учун десе слер күчтү, Кудайдын сөзи бойыгарда жүрет, слер јаманды јендигер.

<sup>15</sup> Телекейди, телекейде барын да сүүбегер. Телекейди сүүп турган кижинин бойында Аданын сүүжи јок, <sup>16</sup> ненин учун десе телекейде бары ончозы: эт-кан кычазы, көс кычазы, јадын-јүрүмде оморкойтоны Аданан эмес, телекейден келип јат. <sup>17</sup> Телекей де өдүп јат, онын кычазы база, Кудайдын табын бүдүрүп турганы – үргүлјиге жүрет.

#### ***Калганчы өйдиг антихристтери***

<sup>18</sup> Балдар! Калганчы өй. Антихрист келип јат деп укканыгарла, эмди көп антихристтер табылды. Мынан калганчы өй деп биледис. <sup>19</sup> Олор бистен чыккандар, је бистийи болбогондор. Бистийи болгон болзо, бисле кожо артар эди. Је олор чыккан, бу ажыра бистийи ончозы эмес деп ачылган.

<sup>20</sup> Слер Агарудан майлаш алганыгар, ончозын билеригер.

<sup>21</sup> Слерге чынды билбегенигер учун бичиген эмезим, карын, слер оны билер учун, кандый да төгүн чыннан болор аргазы јогын билип турганыгар учун бичидим.

<sup>22</sup> Кем төгүнчи, Иисус ол Христос болгонын јаратпай турганы эмес болзо? Ол – Аданы ла Уулды јаратпай турган антихрист.

<sup>23</sup> Уулды јаратпай турган не ле кижиде Ада да јок. Уулды јарадаачыда Ада да бар.

<sup>24</sup> Бажынан ала укканыгар слердин бойыгарда жүргей. Бажынан ала укканыгар слердин бойыгарда жүрзе, слер де Уулда ла Адада жүреригер. <sup>25</sup> Онын биске берер болгоны – ол мөнкү жүрүм.

<sup>26</sup> Мыны слерге бойыгарды аскыртып турган улус керегинде бичидим. <sup>27</sup> Онын Бойынан слер алган майлаш десе слердин бойыгарда жүрет. Слерди кижиде үредери слерге керек јок. Је Онын майлажы слерди ончого үредип турган учун ла ол чын болгоны, төгүн эмес учун, слерди ол канайда үреткен, ондо болуп жүрүгер.

<sup>28</sup> Анайдарда, балдар, Онын Бойында жүрүгер, Ол келзе, бисте бүдүмји болзын деп, Онын келижинде Онын алдында ујатка калбаска. <sup>29</sup> Ол акту деп билер болзогор, чынды эдеечи не ле кижиде Онын Бойынан туулганын билеригер.

## 3

### *Кудайдын балдары*

<sup>1</sup>Көрүгөр, Ада биске Кудайдын балдары деп адаларга кандый сүүш бергенин. Бис чындаптан Кудайдын балдары. Телекей Оны билип албаган учун бисти билбес.

<sup>2</sup>Кару улузым! Бис эмди Кудайдын балдары. Же кандый болорыс эм тура ачылгалак. Христос ачылза, Ого түңгей болорысты билерис, ненин учун десе Ол кандый болгонын көрүп ийерис.

<sup>3</sup>Ого мындый ижемжилү не ле кижин, Ол ару болгоны чылап, бойын арутайт.

<sup>4</sup>Кинчек эдеечи не ле кижин жарамасты да эдет. Кинчек — ол жарамас. <sup>5</sup>Слер билеригер, Ол кинчектерди Бойына аларга ачылганын ла Онын Бойында кинчек жогын. <sup>6</sup>Оныла бирлик жүрөөчи не ле кижин кинчек этпейт. Кинчек эдеечи не ле кижин Оны көрбөгөн, Оны билип албаган.

<sup>7</sup>Балдар! Слерди кижин аскырбазын. Чынды эдеечи — акту, Ол акту болгоны чылап. <sup>8</sup>Кинчек эдеечи — көрмөстөн, ненин учун десе бажынан ала көрмөс кинчек эдет. Мынын учун көрмөстин керектерин бузарга Кудайдын Уулынын ачылганы ол.

<sup>9</sup>Кудайдан туулган не ле кижин кинчек этпейт, ненин учун десе Онын үрени онын бойында жүрет. Ол кинчек эдип болбос, ненин учун десе Кудайдан туулган. <sup>10</sup>Кудайдын балдары ла көрмөстин балдары мынайда танылып жат: чынды этпей, карындажын сүүбей турган не ле кижин Кудайдан эмес.

### *Бой-бойгарды сүүгөр*

<sup>11</sup>Бат, бажынан ала слер уккан жар: бис бой-бойыбысты сүүр учурлу. <sup>12</sup>Жаманга баштадып, бойынын карындажын өлтүргөн Кайиндий болбогор. Ненин учун оны өлтүргөн? Онын керектери жаман, карындажынын акту болгон учун.

<sup>13</sup>Телекей слерди жаман көрүп турган болзо, кайкабагар, карындаштар. <sup>14</sup>Бис билерис, өлүмнен жүрүмгө кечкенисти, ненин учун десе карындаштарды сүүп жадыбыс. Сүүбей турганы, өлүмде жүрет.

<sup>15</sup>Бойынын карындажын жаман көрөөчи не ле кижин, — кижин өлтүрөөчи. Кандый да кижин өлтүрөөчиде онын бойында жүрөөчи мөңкү

жүрүм жок болгону, слер билеригер. <sup>16</sup> Ол бис учун Бойынын жүрүмин бергенинен сүүшти билип алганыс. Бис те тыныбысты карындаштар учун салар учурлу. <sup>17</sup> Телекейде жеткилдү бойы, карындажы немедег тутакту болгону көрүп, жүрегин онон жапкан кижинин бойында Кудайдын сүүжи канайып жүрет?

<sup>18</sup> Балдар! Сөслө, тилле эмес, же керекле, чынла сүүйли. <sup>19-20</sup> Мынанг бис чыннан болгонысты билерис. Жүрегис бисти жаргылап та турган болзо, Кудайдын алдында жүрегисти токынадып койорыс, ненин учун дезе Кудай жүрегистен жаан ла ончозын билер.

<sup>21</sup> Кару улузым! Жүрегис бисти жаргылабай турган болзо, бис Кудайдын алдында ачык-жарык. <sup>22</sup> Нени де суразабыс, Онон алып жадыбыс, ненин учун дезе, Онын жакыталарын чеберлеп, Ол алдында жараганды эдип жадыбыс. <sup>23</sup> Онын жакылтазы дезе мындый: бис Онын Уулы Иисус Христоско бүдер учурлу, Онын биске жакыганынча бой-бойыбысты сүүр учурлу. <sup>24</sup> Онын жакыталарын чеберлеечи, Онын Бойында жүрет. Ол – байагы кижинин бойында. Ол бистин бойыбыста жүргенин, Ол биске берген Тыннан билип аладыс.

## 4

### *Кудай – ол сүүш*

<sup>1</sup> Кару улузым! Болгон-тушкан тынга бүтпегер, же тындарды ченегер, олар Кудайдан ба деп, ненин учун дезе телекейге көп төгүн жарчылар чыккан. <sup>2</sup> Кудайдын Тынын мынайда билип аларыгар: этканла келген Иисус Христосты жарадып турган не ле тын – Кудайдан. <sup>3</sup> Иисус Христосты жаратпай турган не ле тын – Кудайдан эмес, ол антихрист тыны. Слер бу антихристти келип жат деп укканыгар, эмди ол качан ок телекейде. <sup>4</sup> Слер Кудайдан, балдар, оларды жендигер, ненин учун дезе слердин бойыгарда Жүреечи, телекейде жүргеннен жаан. <sup>5</sup> Олор телекейден, онын учун телекейлеп айдат, телекей оларды угат. <sup>6</sup> Бис Кудайдан: Кудайды билери бисти угат, Кудайдан эмези бисти укпайт. Мынанг бис чыннын тынын ла азыштын тынын таныйдыс.

<sup>7</sup> Кару улузым! Бой-бойыбысты сүүйли, ненин учун дезе сүүш – Кудайдан. Сүүп турган не ле киж Кудайдан туулган ла Кудайды билер. <sup>8</sup> Сүүбей турганы, Кудайды билип албаган, ненин учун дезе

Кудай – ол сүүш. <sup>9</sup> Кудай телекейге жангыстан туулган Бойынын Уулын ийген, Ол ажыра бисти жүрүм алзын деп. Мынызыла Кудайдын сүүжи бистин бойыбыста ачылган. <sup>10</sup> Сүүш десе, Кудайды бис сүүгенисте эмес, же Ол бисти сүүп, бистин кинчектерис учун жараштыраачы эдип Бойынын Уулын ийгенинде.

<sup>11</sup> Кару улузым! Кудай бисти анайда сүүп турган болзо, бис те бой-бойыбысты сүүр учурлу. <sup>12</sup> Кудайды кем де качан да көрбөгөн, же бис бой-бойыбысты сүүп жүрген болзобус, Кудай бистин бойыбыста жүрет, Онын сүүжи бистин бойыбыста толо кемине жеткен. <sup>13</sup> Бис Онын Бойында, Ол бистин бойыбыста жүрүп турганын билип жадыбыс, ненин учун десе Ол биске Бойынын Тынынан берген. <sup>14</sup> Бис көргөнис ле керелеп турубус, Ада Уулын телекейдин Аргадаачызы эдип ийгенин. <sup>15</sup> Иисус – ол Кудайдын Уулы деп жараштып турган кижинин бойында Кудай жүрет, ол Кудайдын Бойында. <sup>16</sup> Кудайдын биске сүүжин билип алганыс, ого бүткенис. Кудай – ол сүүш, сүүштин бойында жүречи, Кудайдын Бойында жүрет, Кудай онын бойында. <sup>17</sup> Бу ажыра сүүш бистин бойыбыста бүткен. Жаргынын күнинде бүдүмжилү болорыс, ненин учун десе Ол кандый, бу телекейде бис те андый. <sup>18</sup> Сүүште коркыш жок, же толо сүүш коркышты чыгара сүрүп жат, ненин учун десе коркыш кезедишле колбулу. Коркып турганы сүүште толо эмес.

<sup>19</sup> Бис сүүп жадыс, ненин учун десе Ол бисти озо сүүген. <sup>20</sup> «Мен Кудайды сүүп жадым» деп айдып, бойынын карындажын жаман көрүп турган кижини – төгүнчи. Көрүп турган карындажын сүүбези, көрбөй турган Кудайды сүүп болбос. <sup>21</sup> Мындый жакылтаны Онон алганыс: Кудайды сүүп жүргени, бойынын карындажын да сүүзин.

## 5

### *Телекейди жегени – Кудайга бүткенис*

<sup>1</sup> Иисус – ол Христос деп бүдеечи не ле кижини Кудайдан туулган. Туулганды сүүчи, Онын Бойынан туулганды да сүүп турганы ол. <sup>2</sup> Кудайдын балдарын сүүп турганысты мынан биледис: Кудайды сүүп, Онын жакылталарын бүдүрүп жүрген болзобус. <sup>3</sup> Кудайдын жакылталарын бүдүрүп жүргенисте, Оны сүүп жадыбыс ине. Онын жакылталары уур эмес, <sup>4</sup> ненин учун десе Кудайдан туулганы телекейди жетет. Телекейди жеткен бу жөнү, – бистин бүткенис.

<sup>5</sup> Кем телекейди женет, Иисус – ол Кудайдын Уулы деп бӱдеечи эмес болзо?

<sup>6</sup> Иисус Христос биске суу ла кан ажыра келген. Јаңыс та суула эмес, је суула, канла. Онызын Тын керелейт, ненин учун дезе Тын – ол чын. <sup>7</sup> Анайдарда, ӱч керечи бар: <sup>8</sup> Тын, суу ла кан. Ӱчӱлези бирӱни керелейт. <sup>9</sup> Улустын керезин јуудып турган болзобыс, Кудайдын керези – јаан. Бат, Кудайдын керези: Ол Бойынын Уулын керелейт. <sup>10</sup> Кудайдын Уулына бӱдеечи, бойында бойы керелӱ. Кудайга бӱтпей турганы, Оны тӱгӱнчи эткен, ненин учун дезе Кудай Бойынын Уулын керелеген кереге бӱтпеген. <sup>11</sup> Кере дезе Кудай биске мӱнгӱ јӱрӱм бергенинде, бу јӱрӱм – Онын Уулында. <sup>12</sup> Уулдузы јӱрӱмдӱ, Кудайдын Уулы јогы јӱрӱм јок.

<sup>13</sup> Слер мӱнгӱ јӱрӱмдӱ болгоныгарды билзин деп, мыны слерге, Кудайдын Уулына бӱдӱп турган улуска, бичидим. <sup>14</sup> Онын алдында бисте бар бӱдӱмји – Онын табыла нени суразабыс, Ол бисти угуп турганында. <sup>15</sup> Нени де суразабыс, Ол бисти угуп турганын билер болзобыс, Онон сураганысты алып турганысты да билерис.

<sup>16</sup> Карындажы ӱлӱмге эмес кинчек эдип турганын кӱргӱн кижии мӱргӱп, ого јӱрӱм берзин. ӱлӱмге эмес кинчек эдеечилер керегинде айдадым. ӱлӱмге кинчек бар: андый кинчек эдеечилер учун оны мӱргӱзин деп айтпай јадым. <sup>17</sup> Не ле тӱгӱн – ол кинчек, је ӱлӱмге эмес кинчек бар.

<sup>18</sup> Бис билерис, Кудайдан туулган не ле кижии кинчек этпей јат. Је Кудайдан туулган кижии бойын чеберлеп јат, ого јаман тийбей јат. <sup>19</sup> Бис билерис, бис – Кудайдан деп, телекей дезе бӱткӱлинче јаманнын табында. <sup>20</sup> Је бис билерис, Кудайдын Уулы келип, биске санаа бергенин, бисти Чын Болгонды билип турзын деп. Бис – Чын Болгондо, Онын Уулы Иисус Христосто. Ол – чын Кудай ла мӱнгӱ јӱрӱм.

<sup>21</sup> Балдар! Бойыгарды чалулардан чеберлегер\*.

---

\* Кезик јебрен тӱрбектер «Аминь» деп сӱслӱ тӱгенет.